

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآزاده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله بن
یازیلر اعاده اولنماز .

الکتابخانه

آدرس تبدیلنده آریجه
۵ غروش کوندرملیدر .

مکتوبلرک امضاری واضح
واوقوناقلی اولنی و آبونه
صره نومروسی محتوی
بولونسی لازمددر

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی ییلدیرلمسی
رجا اولنور

اتبعون اهدکم سنیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

ویرسینلر . ازدواجده ، طلاقده ، وراثتده نه کبی اصلاحاته لزوم اولدینی ایضاح ایتسینلر . «عائله ازواج قانونلرینک بر شکل مکمله افرانغی» غایت رسمی بر تمبردر . عائله مؤسسسه لریمزده نه کبی اصلاحاته لزوم وارددر ، قادینک عمومی حیاته طرز اشتراکئی خانلریز نه صورتله آ کلابورلر ؟ ... اجتماعی حیاتمزده قادینلغه عائد مؤسسسه لرده کی بحرانلری ، غیر طمیمیلکاری قادینلرمزدها زیاده حس ایتدکاری ایچون بویله بر پروگرامدن بوتون مملکت استفاده ایدردی .

بنیة اجتماعینک تمللری صابر صیلمش ا

اقدام غزته سندن :

نرمده او دونکی آتشین برلک ؟ نرمده روحلرک برغایه دوعری او مشترک حمله لری ؟ نرمده قلبدن قلبه قوشان وهر قلبدن عین مقدس جراحئی طوتشدیران الهی شراره ؟ نرمده او سویلامدن بری بریمزی آ کلایش و او آ کلاشمغه میدان قالمادن انسیاقی برطرزده یان یانه یوروش ؟ اعترافه ایدلمکه ، بونلرک هیچ برندن آرتق اثر کورمه مکه باشلابورز . بنه اسکی دورلرک برکذاری اولان اوفر دینجی روح ، او انانیت و اونخوت باش قالدیریور . بنه « سن و بن » دعواسی ویاخود بوندن دها فجیع ، دهامه لک اولان « آدام سنده » هواسی ... بر جوق کیمسه لره تصادف ایدیورز که آرتق صالح مذاکراته عائد خبرلری بیله تعقیبه لزوم کورمیور . بر جوق کنجیله راست کلیورز که غیر فعاله آیرلمش ویاخود تقاعده سوق ایدلمش اختیار مأمورلردن دها بزکیندر . قادینلرمز آرتق شهیدلردن بحث ایتیمورلر ، غازیلرک مناقبده طاد بولمورلر . بر زمانلر - بر زمانلر - سوزمی یا ؟ - دها بوندن درت بش آی اول تا وارلنمزلک اعماقده چین چین اوتن کله لر ؟ این اوکی ، سقاریه ، قوجه تبه ، قیزیلجه دره ، عشاق ، ازیمیر ، آرتق بزه علی اعاده برر ووشهر اسملری کبی کلیور . هر کس کندی باشنک قایغوسنه دوشمشدر . تجار ایچین صالح مذاکره سی بر بورس ایشیدر . مأمور ایچین ظفر بر معاش مسئله سیدر . منور و متفکر ایچین انقلابک معنای کندی فکرلرینک ویاخود کندینک اوکه کچمه سیدر . اومعظم ، اوعلوی وطن مجاهده سی پارچه لانه پارچه لانه عادی بر معیشت مجادله سی حالته کیردی . ایلک آتشین ، ایلک خیزلی ملیت فدائیلری شیمدی ایلری به دوعری دها برآدیم آتمغه اوشه نیور ، هر بری کندی اویتنک قابوسی اوکنه اوطورمش ، کلن کچدن باشنه صارمق ایچین دفنه داللری ایسته یور .

ایچکی ممنوعیتنک تأخیری

کچن هفته کی (سیل الرشاد) ایچکی ممنوعیتنک تطبیقده دائر حکومت طرفندن نشر اولونان بیاننامه یه و اتخاذا ایدیلن تدابیر سائر یه باقورق آرتیق استانبولکده ایچکی بلیه سندن قورتولاجغنی محقق عدايتشدی .

بوندن طولانی (سیل الرشاد) اوکونک حیات ملیه مزده ، وبالخاصه اخلاق عمومیه نك صلاحه طوغرو کیمه سسندنه حائر اولدینی اهمیت مخصوصه یی قید ایتمکه مساعیت ایتدیکی کبی کچن مارتک مبادیسندن اعتباراً درلو درلو وسیله لرله تطبیق تأخره اوغرایان منع مسکرات قانوننک نهایت موقع اجرا یه قونولماسی بر موفقیته ملیه اولارق اعلان ایلده مشدی . حال بوکه بودفعده امیدوانستظارک خلاقه ایچکی ممنوعیتنک تطبیق بر یچق آی دها تأخیر ایدلدی . واستانبول ولایتی طرفندن بوتأخیری محق کوسترمک ایچون بر طاقم اسباب موجب درمیان اولندی . اولاً شو نقطه یی تصریح ایتمک ایسترز که تورکیا بویوک ملت مجلسنک وضع و تطبیق ایتدیکی قوانینک ایلک مهملرندن بری اولان منع مسکرات قانوننک مقرر خلافت اولان شهر مزده موقع تطبیقده قونولماسنک بویله متمادی تأخیرله اوغرامسی افکار عمومیه ده بویوک محترم و مبجل قانونک حکومت طرفندن لایق اولدینی اهمیتله در پیش اولونوب اولونمادیغنه دائر بر تردد اویاندر مشدر . مملکتک حیات اخلاقیه واجتماعیه سی ایلک مدعش آفتلردن قورتارمق خصوصنده بو قانونک تطبیقده احراز اولوناجق استفاده لری دائماً تأمل ایدن افکار عمومیه ، بوقانونک سرعت تطبیقده بوتون قوتیه طرفدار اولان خلق استانبول ولایتک بودفعه بیاننامه سی نشر ایتدکن صوکره قهقری بر رجتمده بولونماسی هیچ خوش کورمه مش ، استانبول ولایتک بو طرز حرکتی بر طرفدن حیثیت حکومتله ، دیگر طرفدن بویوک ملت مجلسنده تمرکز ایدن اراده ملیه نك تطبیقده کوستریلن لاقیدی یی حاکمیت ملیه اساسیه هیچ بر صورتله تألیف ایدمه مش واستانبول ولایتی ایفای وظیفه دن عاجز بر حالده کورمکه متأثر و دلخون اولمشدر . هیچ اولمازسه استانبول ولایتی ممنوعیت قانوننک موقع مرعیه قونولاجغنی بو قدر جدیدته احساس ایتمه ملی ، هیچ اولمازسه تأجیل قرارینی وقتنده اتخاذا ایدرک حکومتی بر طاقم روم بقاللرینک ، بر طاقم عیاشلرک خنده استخفافیه قارشیلانمایدی . بوندن دها فجیعی منع مسکرات قانوننک استانبولده تطبیق ایدیله جکنه دائر جهسان مدینتک هر طرفه مخبرین اجنیه و آژانسلر طرفندن معلومات ویرلدکن و آرتیق تورکیاده اراده ملیه نك مسکرات بلیه سی قالدیردینی تلغرافلرله اعلان ایتدکن صوکره ابرسی کونی استانبول ولایتک قهقری رجتمنک بیلدیریلسی اوزرینه افکار عمومیه جهانک نظرنده ناصل بر درک یه دوش-وله جکنک هیچده دوشونولماسیدر . بو شایان حیرت بر غفلتدر !

مسکرات قانوننک تطبیق تأخیر ایچون کرک استانبول والیسی ، کرک استانبول پولیس مدیر عمومیه سی طرفندن درمیان اولونان اسباب موجب هیچ بر وجهله صوکره دقیقه ده حیثیت حکومتی خللدار ایتک ، اراده ملیه نك عجزینی تشهیر ایتک بهاسنه نظر دقته آل حق ماهیتده دکادر .